

መከተሉ ።

ናይ ፡ አምር ፡ ሕላይ ፡ እት ፡ ምድር ፡ ትግሬ ።

እሊ ፡ አምር ፡ ሕላይ ፡ ምን ፡ ዘበን ፡ በዲር ፡ ክም ፡ ቱ ፡ ልብሎ ።  
ወለዘይድማ ፡ እብ ፡ ዘበን ፡ በዲር ፡ ብዙሕ ፡ ሐለው ፤ አዜማ ፡ ገሌዲ ፡  
ሐሉ ፡ ደአም ፡ ሐድ ፡ ቱ ። ከለሐይለት ፡ ለናይ ፡ ዘበን ፡ በዲር ፡ ምን ፡  
ለሀይ ፡ ለሀይ ፡ እት ፡ ልጸብጦ ፡ አስክ ፡ እላ ፡ ምን ፡ ሐሳብ ፡ ብዝሓም ፡  
ልትሐሌ ፡ ሀላ ። ከሐይለት ፡ እመራም ፡ ሐዳም ፡ ቶም ፤ ደአም ፡  
ብዙሕ ፡ ክም ፡ አፍገረው ፡ ልትበሀል ። ህቶም ፡ ኖሶም ፡ እት ፡ ለ  
ሐሉ ፡ ክእኘ ፡ ወዳ ፡ ዐለው ፡ ልብሎ ፤ እብ ፡ አጫብዖም ፡ እዘኖም ፡  
እንዶ ፡ ለጸሞ ፡ እብ ፡ ውቕል ፡ ክርን ፡ ሐሉ ፡ ዐለው ። ለእቡ ፡ ሐሉ ፡  
ምስምሳ ፡ ምን ፡ ብዙሕ ፡ ሞላድ ፡ ቱ ፤ ክእኘ ፡ ለመሸል ፤ እብ ፡ ለዘ  
በን ፡ ወእብ ፡ ለምድር ፡ ወእብ ፡ ገደቦታት ፡ ወደመምል ፡ ወእግል ፡  
ሐመዶት ፡ ለሓጥራም ፡ ወፈዳይብ ፡ ቱ ። ወምን ፡ ክል ፡ እናስ ፡ ለእ  
ግሉ ፡ ሐሉ ፡ ገሌ ፡ ህያብማ ፡ ረክቦ ፤ ከገሌህምዲ ፡ እብ ፡ ለሕላዮም ፡  
እግል ፡ መምበሮህም ፡ ለለክኸል ፡ ረክቦ ። ለሕላዮም ፡ እት ፡ ሰልፍ ፡  
እብ ፡ በይኖም ፡ ለሐሹቦ ፡ ወሐር ፡ ላታ ፡ እት ፡ ገጽ ፡ ኩሉ ፡ ሐልዎ ።  
ወሐትሐቲ ፡ እዋን ፡ እብ ፡ ህምገም ፡ አጊድ ፡ ሐሉ ። እብ ፡ ለሐይለ  
ቶም ፡ እት ፡ ቅብላት ፡ ናይ ፡ ሕድ ፡ በልሶ ፡ ምንማ ፡ ሰብ ፡ በናቢን ፡  
ገባይል ፡ ገቡእ ። ወሀዬ ፡ ናይ ፡ ሕድ ፡ እግል ፡ ልጽበጦ ፡ ፈቱ ፡ ከጸ  
ብጦማ ። — ብዕዳም ፡ ሐይለትማ ፡ ሀላው ፤ ህቶምዲ ፡ እግል ፡ ማል ፡



ልርከቦ : ኢሐላ : ምንማ : ለምስምሳ : ለእሸ : ሐላ : ከም : ለናይ :  
 ለእሙራም : ቱ :: ገድም : እብ : ለሐላዮም : ማል : ኢነሸእ : ወኢ  
 ሐሸማ : ደአም : ሐላ : ወህቶምማ : እብ : ለሐላዮም : እት : ገጽ :  
 ሕድ : በልሶ :: ከገሌ : ምኖምዲ : ብዙሕማ : ሐለው : አክል : ለናይ :  
 ለእሙራም : ሓይለት :: ወለብዕዳም : ላታ : ሐድ : ሌጣ : ሐለው ::  
 ለሓይለት : ከሎም : እብ : ጅምላ : እት : ለሓይለቶም : ጦግ : ዎሮት :  
 ብዙሕ : ረዩም : ወካልእ : ህዬ : ብዙሕ : ሐጨር : ልትረከቦ : ወእ  
 ሎም : ሕድት : እዋን : ጸኑሕ :: ከእት : ልትሐላው : ለረዩም : ጦግ :  
 ከምሰል : ሂጋ : ልቡሎ : ወእግል : ለሐጨር : ጦግ : ላታ : እብ :  
 ገበይ : ቃና : ልስሐብ : አክል : ለረዩም : እግል : ልግበእ :: —  
 ምን : ለሓይለት : ከሎም : እንዶ : ሰምዐው : እግል : ለሐላይ : ለጸ  
 ብጦ : ሀለው :: ለሐላይ : እግል : ልጽብጥ : ለሐዛ : እት : ለሓይላይ :  
 ገይስ : ከልብሎ :: “እላ : ለትመሸል : ሐላየት : እግልዬ : አጽብጠኔ ::”  
 ወህቱ : ሐድ : ሰለስ : ማ : አርበዕ : ዶል : እብ : ምህለቱ : ሐልያ :  
 እላ :: ሐር : ለጸብጣይ : እሻ : እሻ : እት : ቀደም : ለመጽብጣዩ :  
 ሐልያ :: ወሰኒ : አመረያ : ምን : ገብእ : ለሓይላይ : “ገድም : ጸበጥ  
 ከሃ :” ልብሎ :: ወክእኛ : እብ : ለትመሸል : ገበይ : ምን : ሓይላይ :  
 ማ : ምን : ጸብጣይ : እግል : ለሓይለት : ልትመሀሮ :: ወሐትሐቲ :  
 እዋንማ : ለሓይለት : ኖሶም : እግል : ለሐላዮም : እግል : በተጽብጦ :  
 ሐሸ : ከእግል : ለላሻም : እንዶ : አምሀረው : ለትውሩሶ :: ሐር :  
 ምን : ለሰብ : ለሓይለት : ለወርሰው : ብዕዳም : ህዬ : ጸቡጦ :: ወእ  
 ብ : ከእኛ : ለህይ : እግል : ለህይ : እት : ለወርሶ : ለሓይለት : ልት  
 አሸብ : ወእት : ክል : አካን : እሙር : ገብእ :: ወህዬ : ገድብ : ሐ  
 ይለትማ : እብላ : ገበይ : ቱ : ለአስክ : አዜ : ለህላ :: ምን : ለዋርሰት :  
 ሐላይ : ብዙሕ : ለጸብጠው : ልትረከብ : በሀለት : ምን : ሕበርበሮ :  
 ሐይለት : ሐድ : ምእት : ማ : ክልአት : ምእት :: ደአም : ገሌ : ምን :



ለዋርሰት : ለሕላይ : ልትጌገው ፤ ወሀቶም : ምን : ክል : ክታር : ም  
 ሮት : ቃል : ለበጃ : ማ : ሀዬ : አካናት : ለአጥዋግ : ባድሎ : ምክ :  
 ምን : ክል : ሕላየት : ገሌ : ደንግቦ : ማ : እት : እዛም : ለቃል : ኖሱ :  
 ብዕድ : እብ : ፈረጎት : ለመሸሎ : ወጃ : ምን : ለሐይለት : ኖሶም :  
 ማ : ምን : ለዋርሰቶም : ክል : ሕላየት : መን : ክም : ቤላ : ወሀዬ :  
 እሸዬ : ዘበን : ወእግል : መን : ክም : ትበሀለት : ወናይ : አዬ : ም  
 ድር : ክም : ታ : እምርት : ታ ። ለእግሎም : ሐሎ : ለሰብ : ሐጥራም :  
 ወፈዳይብ : ለገአው : ብዙሕ : ዶል : ክም : ለሐይለት : ለልቡሎም :  
 ቱ : በሀለት : እብ : ለሕላይ ፤ ክምሰልሁ : ወጃ : ወልትአዘዘ : ነብረ  
 ው ። ለሐይለት : እብ : ክእና : ለመሸል : አውካድ : ሐልዎ ። ለሰብ :  
 ገበይ : ጋይላም : እት : እንቶም : ላሊ : እት : ከደን : ምን : ልትመ  
 የው ፤ መገጃት : ወጃ : ወእት : ስምጡ : ልትጋሰው ፤ ወለአዋን :  
 ለሕላይ : ለለአምር : እንዶ : ረምቀዎ : ማ : እብ : ኖሱ : ሐሌ : እ  
 ሎም : ወለብዕዳም : ለትንስዎ ። ወክምሰልሁማ : ላሊ : እት : ክዋና :  
 አሐሆም : እት : ለዐቅቦ : ማ : እት : ክዋና : ግርሆም : ወሀዬ : ላሊ :  
 ግናዘት : እት : ለዐቅቦ : ወእብ : ላሊ : ንጂና : ክምሰልሁ : ሐሎ : ል  
 ትመየው ። ወገሌሆምዲ : ምን : ለሕላይ : ለለአምር : ላሊ : ክላ :  
 አስክ : ምድር : ጸብሕ : ለሐሎ : ልትረከቦ ። ወእምበል : እሊ : እብ :  
 ብዕድ : አውካድማ : ሐሎ ። ለሐይለት : እብ : ለሕላየም : እኹይ :  
 ማ : ሰኒ : ምን : ልብሎ ፤ ለቀትሎምዲ : አለቡ : እምበል : ገሌ : አ  
 ትፈራረህ ። እሊ : አምር : ሕላይ : አዜዲ : ክም : ዘበን : በዲር : ብ  
 ዙሕ : ኢኮን ፤ እት : ልውሕድ : ገይስ : ሀላ ። ወእብ : ዘበን : አዜዲ :  
 ምንማ : ሐሎ ፤ ጋሩ : ኢወጃ : ወእመር : ኢኮን ። ደአም : ለገነድብ :  
 ሐይለት : አስክ : እላ : ብዙሕ : ሀላ ።



## ገሌ : ተውሳክ ::

ፋረጎት : ለሐይለት : ብዙሕ : መአተዬ : እግል : ልግበእ : እሉ :  
 ምን : አትሐዛ : አዜማ : እሊ : ትወሸካ :: መአምረት : ሕላይ : እብ :  
 ዘበን : በዲር : ለዐለው : ገሌሆም : ሕላዮም : ሰኚ : እመር : ውበ  
 ዙሕ : ቱ : ምንማ : ሐድ : ሌጣ : ትከትባ : ምኑ :: ከለብዕዳምማ :  
 መአምረት : ሕላይ : ብዙሕ : ሐለው :: ደአም : ምን : ለአክትበት :  
 ድግም : አፍ :: ለዘይድ : ለሰምዐክ : ቦም : እሎም : ቶም :: በሀለት :  
 ለሕላዮም : እመር ::

ምን : ቤት-አብርሄ :: 1) አውዐላ : ወድ : መሐመድ :: 2) ዕም  
 ራን : ወድ : ከረም-በዝሕ :: 3) ቅጡም : ወድ : ሐማድ :: 4) መሐ  
 መድ : ወድ : ዐምዴስ :: 5) እያይ : ወድ : አግዱባይ :: 6) ሕመድ :  
 ወድ : መሐመድ :: 7) ገርማርያም : ወድ : ገብራይ ::

ምን : ቤት-ሸሐቀን :: 1) ገላይዶስ : ወድ : ቴድሮስ :: 2) መሐ  
 መድ : ወድ : እዛዝ :: 3) ፍቅሪት : ወድ : ሰሮም :: 4) አንጠጣ :  
 ወድ : ትጃር :: 5) ወድ : ገደም ::

ምን : ክልኤ : ማርያ :: 1) ነጫቢ : ወድ : አርበድ :: 2) ሐመድ-  
 ሉል : ወድ : ዕጅል :: 3) ሐምድ : ወድ : ሸንገብ ::

ምን : ዐድ-ትማርያም :: 1) ዐሊ : ወድ : ፋይድ :: 2) ዕመር :  
 ጥዑም :: 3) ኖር : ወድ : ጉሙሕ :: 4) ዕመራይ :: 5) ዕትማን :  
 ወድ : ሕመድ-ስዒድ ::

ምን : ሐባብ :: 1) አሚር : ወድ : ገሸህ :: 2) ዐሊ-ጃንጌ : ወድ :  
 ሕመድ-ድራር ::

ምን : ዐድ-ተክሌስ :: 1) መሐመድ : ወድ : ግርሚት :: 2) ሐ  
 ምድ : ዐማር :: 3) ሰዓ : ወድ : ድራር ::



ምን : ቤት-መዐላ : ወቤት-በዐሾ :: 1) ሕመድ : ግሩብ :: 2) ተኩሽ : ወድ : መሳ ::

ምን : ጅመዳን :: ናገት : ወድ : አክቴ ::

ምን : በናቢን : ዐጅታት :: 1) ሕመድ-ኖር : ወድ : ሺተል-በተሩ :: 2) ወድ : ሰሊመዳ :: 3) መሐመድ : ወድ : ሼካይት ::

ገድም : እምበል : እሎምማ : ትኩትበው : ብዕዳምማ : ሐይለቶም : እመር : ብዝሐም : ልትረከቦ :: ወለበዝሕ : ምን : ለሐይለት : እት : ኩሉ : ምድር : ትግሬ : እመር : ቱ ::

ሀዬ : ገሌ : መቅልዒ : እግል : ለሰላሞታት : ዲብ : አንስ :

እት : ለሐይለት : ለልትረከብ ::

እት : ለበዝሕ : ምን : ለሐይለት : ለሰላሞት : እት : እሴት : ልትረከብ :: ወእሊ : ክም : ስርዐት : ሕላይ : ትለመዳ : ምን : በዲር :: ከሰላሞት : እት : ለእሴት : ክም : ትበጽሕ : ማ : ምን : ኢትበጽሕ : ሴማ : ጋር : ኢወዳ :: ወለመሰልማይማ : ስምጥ : ለሐይላይ : ምን : ሀሌ : ወምን : ኢሀሌ : ወሐርማ : ምን : ለበጽሕ : እግል : ለሰላሞት : ማ : ምን : ኢለበጽሕ : ጋር : አለቡ :: ከእሊ : ክም : ስርዐት : ሌጣ : ክም : ወሸከዎ : እመር : ቱ :: ወሀዬ : ለመሰልማይ : ሕላይ : ምን : ጸብጥ : ማ : ምን : ኢጸብጥ :: ወግርዝ : ምን : ገብእ : ማ : ዐቢ :: ክም : ስርዐት : ሌጣ : ምን : ገኣ : ኢሐስቦ : ቡ :: ደኣም : ለመሰልማይ : እናስ : ምን : ገብእ :: መስኒ : ማ : ስነት : ዎክ : መሃጅክ : ማ : ወድ : ዐድ : እግል : ልግበእ : ለትሐዜ :: በሀለት : “ሰፊም” ክም : ቤለዎ : ለኢልትቀጽብ :: ወእግል : ለክእኖ : ለኢገኣ :: “ሰፊም” ምን : ልቡሎ : ሰኒ : ኢልትዐሉብ :: ልትበአሶ : ቡ :: ደኣም : እግል : ለመሰልማይ :: “እግል : ዎሮ : እናስ : ሰፊም : እልና” : ምን : ልቡሎ : እኩይ : ኢኮን :: ሰኒ : ቱ ::



ሰበት : ለገባይል : እት : አምዳር : ትግሬ : ለሀላ ።

መአተዩ ።

እብ : ገባይል : እት : አምዳር : ትግሬ : ለሀላ ፤ ቀደም : እላማ :  
ለትከተባ : ወአክላ ። ደአም : እቡ : ሰኒ : እግል : ለለተፋሸር : እግ  
ል : ልትቀላፅ ፤ ለአዜ : ለተሌ : ልትወሸክ : ሀላ ። መወልድ : ለገባ  
ይልዲ : ምን : ለሐይለት : ማ : አድጋማት : ሰኒ : ኢልትፈጠን ።  
ለሐይለት : እብ : ለገባይል : እት : ልትገገው : ለበጥር : ሂጋ : ኢወ  
ጁ : ሐቴ : ዶል : ክእኖ : ልብሎ : ወብዕደት : እዋንማ : ብዕድ ። ሰ  
በት : እሊማ : ለሰብ : ዐድ : ኖሶም : እግል : ለሂጋ : ሐይለት : ክም :  
ውሐዝ : ናይ : ማይ : ጸዐዳ : ዐሉብ ፤ ለሐልፍ : ቱ ። ወእሊ : እመር :  
ቱ ፤ ለሐይለት : እግል : አትጋራም : ወወዐዝ : ብዙሐ : ክርዳድ :  
ክም : ወስኮ ። ገድም : እሊ : አምዳር : ትግሬ : ለናይ : ቅብለት :  
ምድር : ሐበሽ : ቱ : በሀለት : ምን : ሐማሴን : ገጹ : እት : ምውዳ  
ቅ : ጸሐይ : እግል : ለለተቅብል : እብ : እንክር : ድማኑ : ቱ ። ወእ  
ስሌማይ : እት : ምግብ : ሐማሴን : ምን : ኑሽር : ቅብለቱ : ቱ ። እ  
ተሊ : አምዳር : ገዝእ : ለዐላ : ሐጸይ : ከበሳ : ቱ ። ሐር : ላታ : ም  
ስርያማ : ገዝአቶ ። ወአዜ : ላታ : ሐንቴ : መንገስ : ጠላን : ቱ ።

ፍንታዮት : ፍንጌ : ሽማገሌ : ወትግሬ ።

እት : ለትወዐዛ : አምዳር : ሽማገሌ : ወትግሬ : ኑብሮ ። ፩ ፤ ሽማ  
ገሌ ፤ ለቃል : ምን : ሂጋ : አምሐራ : ትነሸኣ ፤ እብ : አምሐራ : “ሽ  
ማገሌ ።” በሀለት : አቤር : ማ : ግንዳብ : ቱ ፤ እት : ለምድር : ለገን  
ደባ ። እሊ : እግል : Nobile መሸል ። ፪ ፤ ትግሬ ፤ በሀለት : ሰብ :  
ምን : ምድር : ብዕድ : እብ : ዐለዮ : ለመጽአው ፤ ደአም : ሐር : ሰብ :  
ምድር : ትግሬ : ለገአው : ማ : ምስሎም : ለልትዐለቦ : ቶም ። ገድ



ም : በዲር : ምን : ክፈል : ምድር : ትግሬ : አወለው : ለበዙሕ : ም  
 ኖምዲ : ምን : ሐማሴን : ትከረው : ወገሌ : ምን : ምድር : ዐረብ :  
 መጽአው : ከለስሞም : ምን : ለሂጋ : ትግሬ : ፈግረት : እሎም :  
 በሀለት : ምስል : ሰብ : ምድር : ትግሬ : ምን : ተሐበረው : መሰል :  
 እብ : ሂጋ : አምሐራ : “የትግሬ : ሰው” : በሀለት : እናስ : ምድር :  
 ትግራይ : ቱ : ከምሰልሁ : እብ : ትግረንያ : “ትግራዋይ” : ምክ :  
 “ትግራወታይ” : በሀለት : እናስ : ምድር : ትግራይ : ቱ : ለትግሬ :  
 ገድም : Civile ቱ :

ለሽማገሌ : ለልትበሀሎ : አስማዮም : ወለምኙ : መጽአው : ከእ  
 ኖ : ቱ : 1) ዐድ : ናይብ : ሞላዶም : በለው : ቱ : በለው : ወከለው :  
 ሐቆ : ሶባ : ወኖባ : ቃንጸት : ዐለያ : መናግስ : እት : እንተን : ወሐ  
 ር : ክልኢተን : በደያ : ወትረፍ : በለው : ለእሙር : ዐድ : ናይብ :  
 ቱ : ህቶም : ሰብ : ባጽዕ : ቶም : ወእብ : ዘበን : በዲር : ምን : ትርክ :  
 ወምን : ምስርያ : ሒለት : ራክባም : ዐለው : ከለብዕዳም : ሰብ :  
 ምድር : ትግሬ : ማል : እንዶ : ሀይቦ : ምኖም : ሐትሐቱ : እዋን :  
 ለክንትብንት : ረክቦ : ዐለው : — 2) መንሰዕ : ቤት : አብርሄ : አብዕባ :  
 ምን : ምድር : ዐረብ : ማጽእ : ቱ : ልትበሀል : ወሐር : እሹሊ : ም  
 ድር : ከም : ሐድረት : ምኖ : ለልጄቆባ : ገቢለት : ዜን : ወገቢለት :  
 ቤት : ዓርባይ : ዐለያ : ከቤት : አብርሄ : እግል : ቤት : ዓርባይ : ከ  
 ትልት : ዐለት : ወሐር : ላታ : እግል : ቤት : ዓርባይ : ወእግል : ዜ  
 ንማ : ከይነት : እንዶ : ወዴት : እብ : ሸፍ : አብዴትን : ወምድረን :  
 ወርሰት : ወምን : ቤት : ዓርባይ : ወዜን : ለተርፋ : ትግሬ : ገኣ :  
 ወእግላ : ትከተላ : ከትል : እሊ : ቃል : እሊማ : ምን : ሂጋ : አም  
 ሐራ : ፈግራ : “ተከተለ” : በሀለት : መለህዩ : ገኣ : ተለዩ : ማ : ጸር :  
 ገአው : ማ : ምስል : ተሐበረው : ቱ : — 3) ቤት : ሸሐቀን : [እሸሐቅ :]  
 እብዕባ : ሒ : አብርሄ : ቱ : ምን : ሕድ : ትፈንተው : ከክልኤ :



ገበለት : ገአው :: ሸሐቀን : እት : ለምድር : እንደይ : ሐድር :: ቀደ  
 መ : እት : ለምድር : ገበለት : ዛውል : ወጠቀር : ሓድረት : ዐለያ ::  
 ከዛውል : ከላ : እንደ : ገሜት : “ክል : ዎሮት : አድጉ : እብ : ለመ  
 ርሐዩ : ታ : ልግዐዝ” : ትቤ : ከትፈንጠረት : ወበዴት :: ወሐር :  
 ሸሐቀን : ጠቀር : እግል : ልትከተል : ክም : መጽኢ :: እብ : ጎማት :  
 ቅዌት : ለጠቀር : እግል : ለጋሻይ : በሀለት : እግል : ሸሐቀን : ትከ  
 ተለት :: ከቤት : ሸሐቀን : ለምድር : ምን : ዛውል : ወምን : ጠቀር :  
 ወርሰቶ :: ወዛውል : ወጠቀር : ትግሬ : ገአው : ወቤት : ሸሐቀን :  
 ሸማገሌ :: ከለምድርዲ : ገሌሁ : ናይ : ጠቀር : ቱ : አዜማ :: — 4) ክ  
 ልኤ : ማርያ :: አብዕበን : ማይሩ : ሐ : መንስዓይ : ቱ :: ለምድር : ማ  
 ርያ : በዲር : ቤት : ዘርኡ : ሓድረት : እቱ : ዐለት :: ወሐር : በዐል :  
 ገጽ : ቤት : ዘርኡ : እት : አብሁ : ትደመላ :: ከሐቴ : ምዕል : እት :  
 ስተይ : ዐደመያ : ወእት : ንሕስ : ዐቢ : አተያ : ከሰኚ : ደብኣ : እታ ::  
 ወእግል : ለንሕስ : ዓጉዱ : እንደ : ናቀላ : አውደቀዩ :: ለንሕስ : እት :  
 ልወደቅ : ከእና : ቤላ :: “ነፍሲ : ጥፍኢ : ምስ : አልፈ” :: ወምን :  
 ቤት : ዘርኡ : እብ : ሓይል : ማይል : ለደሐና : ወሀዬ : ከደን : ለጸ  
 ንሐ : ሐር : እግል : ማርያ : ትከተላ : ወገሌሁ : ትፈንጠራ : ወትግ  
 ሬ : ገአ :: ወማርያ : ለምድር : ወርሰት : ወሸማገሌ : ገአት :: —  
 5) ቤት : አስገዴ : [ ውላድ : አስገዴ : ] ማ : ሰለስ : መፍለስ :: አብዕባ :  
 አስገዴ : ምን : ከበሳ : ትከሯ :: ወእት : ለምድር : ለሐባብ : ሓድር :  
 እቱ : ለሀላ : በዲር : ቤት : በሐይላይ : ለትትበሀል : ገበለት : ሓድ  
 ረት : ዐለት :: ወሐር : ቤት : በሐይላይ : ናዳ : ወዴት : እግል : ትት  
 ፈንጠር :: ወሕያይታ : ለዔረት : እት : ሸፍር : ቃተለታ : ወፍርት :  
 እት : ከደን : ሐድገታ : ከትፈንጠረት : ወበዴት :: ወሐባብ : ለም  
 ድር : ወርሳ : ወሸማገሌ : ገአ :: ወለምን : ቤት : በሐይላይ : ለተርፋ :  
 ትግሬ : ገአ :: ወክምሰልሁ : ዐድ : ተክሌስ : ወዐድ : ትማርያምማ :



ምን : ብዕድ : ክም : ወርሰዎ : አመሽል : በሀለት : ለምድሮም :: ወ  
 ክምሰልሁማ : ቤት : ጀራብሩክ : [ ቤት : ዘርእ : ብሩክ ] :: እሎም :  
 ክሎም : ለትሳመው : ሐር : ብዕድ : ገባይል : እንደ : ተጓላ : ለመ  
 ጽኢ : ተሐበራ : ምስሎም : ወክል : ምኞም : ለእት : ለክፈሉ : ለሐ  
 ድራ : ምስሉ : ልትዐሊብ : ደአም : እብ : ስም : ሸማገሌ : ወትግሬ :  
 ልትበሀሎ :: ለትግሬ : ምን : ለብዕድ : አምዳራት : ክም : መጽኢው :  
 እግል : ለሸማገሌ : ልትከተሎ : ዐለው : ልብሎ :: ሐርዲ : ሰብ : ለ  
 ምድር : እግል : ለጋሻ : ኢልትገዋንዎም : አግዳ : ክም : ሐው : ገ  
 በእ :: ሰበት : መትሃዳይ : ለበዙሕ : ምኞም : መወልድ : ገኢው ::  
 እብ : መትሃዳይ : ምን : በዲር : ሐብራም : ቶም : ደአም : ለማል :  
 ስመይ : ናይ : ለአዋልድ : ለሸማገሌ : በዝሕ : እሊ : እት : ለስርዐት : ሀ  
 ዳይ : ልትርኤ :: ፋርዳይ : ለገብእ : ከንቴባይ : ማ : ሸዩም : ለልትበ  
 ሀል : ቱ : እሊ : ምን : ንጉስ : ልሸዩም : ማ : ምን : ሜሪ :: ወእቹ :  
 ልሻበኮ : ወእቡ : ለኢአቀንዳ : እንደ : ሰርፋ : ገይስ :: ለሰበክ : “ጸጋ :  
 ከንቴባይ” : ልብሎ : እታ : ዲቡ : እግል : ልትጋዩሶ : ክም : ሐዘው ::  
 እት : በጽዕ : ላታ : “ ቅሳመት : ናይብ ” : ልብሎ :: ወክል : ዎሮት :  
 እብ : ጋር : ኖሱ : ምስል : ዋንሁ : ልጃገግ : እት : ልትባጠሮ :: ለት  
 ጃገግ : እሲት : ገኢት : ምን : ገብእ : ላታ : ገጃ : እንደ : ገልበበት :  
 ስምጥ : ለመሐበር : ከፍ : እንደ : ትቤ : ትትሃጌ :: ለፋርዳይ : እግል :  
 ጋሻይ : ወበዐል : ዐድ : ወእግል : ዐቢ : ወንኡሽ : ወእግል : እሲት :  
 ወእናስ : ሐቴ : ቱ : ሰበት : እሊ : ልብሎ :: “ ሐቅ : ሐቅ : ረቢ : ቱ ” :  
 ወክእኛማ : ምን : ኢገብእ : ክል : ዶል : ለእቹ : ሰርፎ : ሀላ :: —  
 እት : መንሰዕዲ : ልብሎ : ቀደም : ሰማን : ማ : ስዕ : ትውልድ :  
 ዎሮት : ፋርዳይ : መሓሪ : ወድ : ሐወጪ : ለልትበሀል : ክም : ዐላ :  
 ወእሊ : በዐል : ሐራም : ወጸውያይ : ክምሰልሁ : አስክ : እላ : ኢቀ  
 ንጸ :: ከመሓሪ : እግል : ለሰብ : ዐድ : ገዜ : ወእግል : ለጋሻ : ጸዌ : ዐላ ::



ሰበት ፡ እሊማ ፡ አጊድ ፡ በዳ ፡ ወአካን ፡ ቀብሩማ ፡ ኢተአመረት ።  
 ገድም ፡ ለምድር ፡ በሀለት ፡ ለቀሪም ፡ ናይ ፡ ገሌ ፡ ምን ፡ ለሽማገሌ ፡  
 ቱ ። ገሌሁ ፡ ምን ፡ በዲር ፡ እብ ፡ ውርስ ፡ ለነስአዎ ፡ ማ ፡ ሐር ፡ እብ ፡  
 ዝቤ ፡ ለረክበዎ ። ወገሌሁ ፡ ናይ ፡ ገሌ ፡ ምን ፡ ለትግሬ ፡ ቱ ፤ እብ ፡  
 ማሎም ፡ ምን ፡ ለሰብ ፡ ለምድር ፡ ለትዛበዎ ። እት ፡ ቤት ፡ አብርሃዲ ፡  
 ለምድር ፡ ምብዝሐ ፡ ናይ ፡ ቤት ፡ አበዛ ፡ ቱ ፤ ሐር ፡ ለብዕዳም ፡ ም  
 ኖም ፡ ትዛበው ፡ ወገሌ ፡ እብ ፡ ህያብ ፡ ወርሰዎ ። ከገሌ ፡ ምን ፡ ለሽ  
 ማገሌ ፡ ወገሌ ፡ ምን ፡ ለትግሬ ፡ ቀሪም ፡ አለቦምማ ፡ ህላው ። ገድም ፡  
 እንዶ ፡ ዐለው ፡ እት ፡ ለአምዳር ፡ ትግሬ ፡ ለሐድረው ፡ ገባይል ፡ ወ  
 አዛን ፡ ወአፍረዐት ፡ አስማዮም ፡ ወነሰቦም ፡ አዜ ፡ ተሌ ። ደአም ፡  
 አዜ ፡ እት ፡ ለአምዳር ፡ ትግሬ ፡ ገሌሆም ፡ ብዝሐም ፡ እት ፡ እንቶም ፡  
 ህላው ፤ ወገሌሆም ፡ ሐዳም ። ወክል ፡ ምኖም ፡ ቤት ፡ አብሁ ፡ አ  
 ምር ፡ ወምስላ ፡ ጠርቅ ።

1) ሕዳረብ ፤ አብዕቦም ፡ ምን ፡ በርካ ፡ መጽአ ፤ ምን ፡ ሚን-ዓምር ፡  
 ቱ ። ወሚን-ዓምር ፡ ምን ፡ ምድር ፡ ዐረብ ፡ ማጽአት ፡ ታ ፡ ወአስክ ፡  
 እላ ፡ እት ፡ በርካ ፡ ህሌት ። — 2) ለኝ ፤ አብዕባ ፡ ምን ፡ ሐማሴን ፡  
 ትከራ ፤ ወለአብዕቦም ፡ ለመጽአ ፡ ምኖ ፡ ገቢለት ፡ አስክ ፡ እላ ፡ እት ፡  
 ሐማሴን ፡ ህሌት ። ከእሎም ፡ ምን ፡ ሐማሴን ፡ ለትከረው ፡ ለኝ ፡ ወ  
 ራት ፡ ውጥኝት ፡ ጸብጠው ። — 3) ቤት ፡ ዘርኡ ፤ አብዕባ ፡ ምን ፡  
 ከበሳ ፡ ትከራ ፤ ወለምኖ ፡ ትከራ ፡ ገቢለት ፡ አስክ ፡ እላ ፡ እት ፡ ሐማ  
 ሴን ፡ ህሌት ፡ ደቂ ፡ ዘርኡ ፡ ትትበህል ። — 4) ዛግር ፤ አብዕባ ፡  
 ምን ፡ ከበሳ ፡ ትከራ ፤ ወለአብዕቦም ፡ ለመጽአ ፡ ምኖ ፡ ገቢለት ፡ አ  
 ስክ ፡ አዜ ፡ እት ፡ ሐማሴን ፡ ህሌት ፡ ወዛግር ፡ ትትበህል ። — 5) ጉ  
 ሪታት ፤ አብዕባ ፡ ምን ፡ ከበሳ ፡ ትከራ ፤ ወለአብዕባ ፡ ለመጽአ ፡ ምኖ ፡  
 ገቢለት ፡ አስክ ፡ እላ ፡ እት ፡ ሐማሴን ፡ ህሌት ፡ ወጉሪታት ፡ ትትበ  
 ህል ። — 6) ዜን ፤ አብዕባ ፡ ምን ፡ ከበሳ ፡ ትከራ ፤ ወለአብዕባ ፡



ለመጽሐፈ : ምኞ : ገቢለት : አስክ : እላ : እት : ሐማሴን : ሀሌት : ወ  
 ዐድ : ዜን : ትትበሀል ። — 7) ዐድ : ሸማገሌ ፤ አብዕባ : ምን : ከ  
 በሳ : ትከሯ : ወለአብዕቦም : ለመጽሐፈ : ምኞ : ገቢለ : አስክ : እላ :  
 እት : ሐማሴን : ሀላ : ዐድ : ሸማገሌ : ልትበሀል ። — 8) ዐድ : ክ  
 ሮሽ ፤ አብዕባ : ምን : ከበሳ : ትከሯ ፤ ቤት : አብዕቦም : አስክ : እላ :  
 እት : ሐማሴን : ሀሌት ። — 9) ዛውል ፤ አብዕባ : ምን : ከበሳ : ት  
 ከሯ ፤ ቤት : አብሆም : አስክ : እላ : እት : ሐማሴን : ሀሌት ። —  
 10) ጠቀር ፤ አብዕባ : ምን : ከበሳ : ትከሯ ፤ ቤት : አብሃ : አስክ :  
 አዜ : እት : ሐማሴን : ትትረኽብ ። — 11) ቤት : አትከሜ ። —  
 12) ውቄን ፤ አብዕባ : ምን : ከበሳ : ትከሯ ፤ ቤት : አብሃ : እቹ : ት  
 ትረኽብ ። — 13) ዶብዓት ። — 14) ርግባት ፤ አብዕባ : ምን : ም  
 ድር : ዐረብ : መጽሐፈ ። — 15) አግዱብ ፤ አብዕባ : ምን : ምድር :  
 ዐረብ : መጽሐፈ ። — 16) ጸውራ ፤ አብዕባ : ምን : ምድር : ዐረብ :  
 መጽሐፈ ። — 17) አስፈዳ ፤ ምን : ምድር : ዐረብ : መጽሐት ። —  
 18) መስሐሊት ፤ አብዕባ : ምን : ምድር : አሳውርታ : መጽሐፈ ፤ ቤት :  
 አብሃ : አሳውርታ : ታ ። — 19) አፍለንዳ : [አፍለግዳ] ፤ አብዕባ :  
 ምን : በርካ : መጽሐፈ ፤ ለአብዕባ : ለመጽሐፈ : ምኞ : ገቢለት : አስክ :  
 አዜ : እት : በርካ : ሀሌት : ወአፍለንዳ : ትትበሀል ። — 20) ቤት :  
 ዓርባይ ፤ አብዕባ : ጅንሱ : ምን : መንሰዕ : ቱ ። — 21) ዐድ :  
 ሹማ ። — 22) ዐድ : አሐ ። — 23) ዐድ : ዐሸከር ። — 24) ዐድ :  
 ሺክ ፤ አብዕባ : ምን : ምድር : ዐረብ : መጽሐፈ ። — 25) ዕምዴን ። —  
 26) ረገድሌ ። — 27) ጽገጋ ። — 28) ሐጹራ ። — 29) ሐራ  
 ብሶ ። — 30) ዐድ : ጣልብ ። — 31) አክዋራ ። — 32) ሰብ :  
 ለዓሊት ። — 33) ዐገር ። — 34) ደግደጌ ። — 35) ዐድ : ጸመ  
 ናይ ። — 36) ዐድ : መዐልም ፤ አብዕባ : ምን : ምድር : ዐረብ :  
 መጽሐፈ ፤ ጅንሳ : መሸይክ : ቱ ። — 37) ዐድ : ድርቂ ፤ አብዕባ :



ምን : ምድር : ዐረብ : መጽሐፍ : ጅንሳ : መሻይክ : ቱ :: — 38) ዐድ : ቀደዴ ::

ገድም : እምበል : እሊ : ትሳማማ : ብዕዳም : ገባይል : ወክንፋር : ልትረከብ ፤ እብላ : እዋን : አስማዩ : ለተሐብዳ : ምንዩ ፤ ወክል : ዎሮት : እብ : ገባዩ : ጽኑዕ : ወክቡር : ቱ :: ከኩሉ : ለእት : አምዳር : ትግሬ : ለሀላ : ገባይል : ሰብ : ለምድር : ወገባይል : ለጋሻ : አክል : ሕድ : ገብእ : ያ : ለጋሻ : በዝሕ :: ለክንትብኝት : ወጭቅኝት : እት : ዎሮ : ዎሮት : ፈረዕ : ናይ : ለሸማገሌ : ተን :: ለብዕደት : ሰብ : ምድር : ወኩሉ : ለጋሻማ ፤ እግል : መንገስ : ጠልብ : ወመምበሮህ : እብ : ሐርስ : ታ :: እብ : ዘበን : በዲር : ለክንቲባይ : ለገብእ : ወሀዩ : ዋጣይ : ወቀሽ : ኢጠልቦ ፤ አዜ : ላታ : ህቶምማ : ጠልቦ ::

### በዐል : ንሻል ::

ክል : እናስ : በዐል : ንሻል : ቡ ፤ እግል : ሸማገላይ : ሸማገላይ : ሀላ : ወእግል : ትግራይ : ትግራይ : ሀላ :: ገድም : ክል : እናስ : ወአት : ማ : ብዕራይ : አክል : ለሐርዳ : ለንሻል : ወመንካ : እግል : በዐል : ንሻሉ ፡ ሀይሾ : ወ “ በዐል : ንሻልዩ : እገሌ : ቱ ” : ልብል :: ሀዩብ : ለንሻል : ክል : ዎሮት : እግል : ለእሉ : ሐራ : ቱ ፤ ወምስል : በዐል : ንሻሉ : ለተሐማ : ሀዩብ : ለንሻል : እት : ዎሮት : ብዕድ : በጅሎ :: ከአስክ : ከንቲባይማ : ምን : ገብእ ፤ ንሻሉ : እግል : ብዕድ : ሀይሾ :: ሐር : ለንሻል : ለሀይብ : እት : ሂጋ : መጂጋማ : ሰዳየት : ምን : ሐዜ : ልብል ፤ “ በዐል : ንሻልዩ : እገሌ : ቱ : ጸገቼ : እግሉ : ሀብክዋ ” ፤ በሀለት : “ እት : እዛምዩ : ልትሃጌ ” :: ወ ለንሻል : ወመንካ : ለልትሀዩብ : ደቅባ : ምን : ገብእ : ልጂገግ : እሉ :: ደአም : ሀዩብ : ለንሻል : ወለመንካ : ለበዝሕ : አውካድዲ : ክም :



ስርዐት ፡ ሌጣ ፡ ቱ ፡ ምንማ ፡ ለሃይባይ ፡ ሰዳየት ፡ ለኢተትሐዝየ ፡ ገ  
 ብኢ ። ወኢሊማ ፡ ውዳይ ፡ ኢሊ ፡ ክም ፡ ክትል ፡ ማ ፡ መትካታል ፡ ቱ ፡  
 ለልትዐሊብ ።

### ስቆ ።

እብ ፡ ናይ ፡ ስቆ ፡ ኩሉ ፡ ለእሉ ፡ ወዳ፡ ሰኚ ፡ ኢኣመርዴኮ ፤ ደ  
 አም ፡ ክእኘ ፡ ኣመሸል ። ክል ፡ እዝን ፡ ምስል ፡ ጠርቅ ፡ ተሀይብ ፡ ወ  
 ሰሸት ፡ ሕድ ፡ ትትገደብ ። ደአም ፡ ምን ፡ ለቤት ፡ አብ ፡ ዎሮት ፡ ክል ፡  
 ዶል ፡ ስሕት ፡ ምን ፡ ገብኢ ፡ ወሰሸቱ ፡ ብዙሕ ፡ ዶል ፡ ምን ፡ ልትገ  
 ደቦ ፤ እግል ፡ ልትከረቦ ፡ ገምዎ ፡ ወምን ፡ ኢስምዖም ፡ እንዶ ፡ ገመ  
 ው ፡ ሰቆቆ ፡ በሀለት ፡ እት ፡ ቀደም ፡ ኩሉ ፤ “ሐና ፡ ኢኮን” ፡ ልብሎ ፡  
 ወጭረመት ፡ ማ ፡ ቀጥራት ፡ እት ፡ ዕጫይ ፡ ሰቆ ፡ ወክእኘ ፡ “ሰቀቅናሁ” ፡  
 ማ ፡ “ምንእና ፡ ፈንቴንሁ” ፡ ልብሎ ። ወሐር ፡ ለትሰቆቃ ፡ ውዳይ ፡ ምን ፡  
 ሰኚ ፡ እብ ፡ ደግማንማ ፡ እት ፡ ቀደም ፡ ኩሉ ፡ “ሐና ፡ ቱ” ፡ እግል ፡  
 ሊብሎ ፡ ገብኢ ።